



Siulequt meeqqanut	8
Siulequt inersimasunut	10
Arfeq nattoralillu niviarsiarannguanik nuliartut.....	13
Niviarsiaraq tammartoq terianniamillu inuttut isikkulimmik naapitsilluni	19
Angut utoqqaq meeqqanik pinnguartunik qaarsup quppaanut mattussisoq	23
Nannut qilalukkanik qaortanik piniartut.....	26
Kaassassuk.....	33
Anarteq eqalunngortoq.....	45
Amaarsiniooq – arnaq ilisiitsoq amaammini meeqqat amarlugit aallarussisartoq	47
Nallorissorsuaq	55
Meeqqanik aallarussisartoq	61
Nerlerit nujuartat tappiitsoq isigisaqalersikkaat	62
Qillarsuaq nukappiararlu iliarsuk.....	69
Qimmeq qilertilik	71
Kamikinnaq.....	75
Aqissiaq.....	82
Niviarsiaraq sinikkumanngitsoq.....	89
Sassuma Arnaa imaluunniit iliarsunnguit marluk nunaqqatiminik annaassisut	92



Tulugaq nerlermik nujuartamik nuliartoq.....	101
Anngangnuujuk - nukappiaraq aallarussaq	105
Tunutoorajik inorusersuarlu illuinnaanik niulik.....	108
Aloruttaq iliarsuk	116
Arnaq qimmimik uinittoq	129
Innersuaq imaluunniit Uiloq qanoq ililluni pinngortoq	130
Nukappiaraq qaqtumik amilik.....	135
Iliarsunnguit - angajoqqaaqanngitsunnguit.....	137
Inorusersuaq ataasiinnarmik isilik Kingittup qaqqarsuata qaavamioq	141
Pujoq qanoq ililluni pilersimanersoq	147
Manutooq - panii sikumi puttaami Akilinermut saavittut.....	152
Manguaraq, Qaammatip Inuanut tikeraartoq.....	161
Arnaq kinguppammik uinittoq.....	167
Allunnguaq	171
Tusilartoq.....	177
Kallerup anersaavi	183
Marlulissat - aqqaamallaqqissorsuit.....	186
Arnaq piniarnermik ilikkartoq.....	193
Tulugaq tuullillu	197
<i>Atuakkat</i>	200

SIULEQUT MEEQQANUT

Maannakkut sinittarpugut siniffinni maavaartunik madrassilini – qanga illerni manngertuni sinittarput ... Maannakkut na-jugaqarpugut illuni qisunniq betonniinilluunniit sanaani – qanga illuliortarput pukkitsunik issuumik ujaqqanillu qarmalinnik ...

Maannakkut pisiniarfinni nerisassanik pisiniartarpugut – qanga nerisassat nammineq piniarniartariaqarput – issippallaarpallu suut tamarmik qerigaangata piniarniarsinnaajunnaarlutik inuit perlerlutik toqusarput. Atuakkami uani oqaluttuarineqartut pisimapput maavaartunik madrasseqanngikkallarmat nerisassanillu pisiniarfefeqanngikkallarmat.

Oqaluttuat atuakkami uanisut qanga atuarneqarsinnaanngillat, taamani atuagaqanngimmata inuillu atuarsinnaanatillu allassin-naanngimmata. Oqaluttuaqattaattartorsuupput pissangasunik tusarnaartoqarlutik. Quianartulersaarutit sianiilliuutilluunniit illaati-gineqartarput, oqaluttuarineqartut ersinarpallaaraangata tusarnaartut ersinermik imminnut eqitaartarput, illunnguani qullernik orsutortunik qaammaqqutilinni tarrajuttuni anersaapiluit malugi-sinnaasorigaangamikkit.


Qanga kalaaleqarpoq atilimmik Knud Rasmussen.

1879-imi Ilulissani inunngorpoq. Inersimasunngorami Kalaallit Nunaat angalavaa naapitani kalaallit qinnu-igisarlugit oqaluttuatoqqanik oqaluttuuteqquulluni – oqaluttuarsianilu tamakku allattarpai. Oqaluttuarpas-suit ilaat tamakku atuakkami uani atuarsinnaavatit – imaluunniit suli atuarsinnaanngikkuit atuffatitissin-naavutit.

Tusassavatit uumasut oqalussinnaasut, angakkut timmisinnaasut, iliarsuit piitsuungaaramik ukiumi issersuarmi aputilimmilu kamillaangallutik pisuttartut. Angutillu nukittungaaramik ikiorneqaratik arfermik uniarsinnaasut.

Nuannisarluarisi.





SIULEQUT INERSIMASUNUT

Ukiumi qaammassaallaraangat issersuarlu silamiiffiujunnaaraanganat illunnguani issunik ujaqqanillu sanaani illermi oqaluttuaqattaatilersarput kinguaariippassuarni oqaluttuareqattaarneqartartunik. Meeqqat tusarnaarlutik pissangariilitartut tusakkatik inersimasunngoraangamik namminneq kinguaaminnut oqaluttuareqqittarpaat. Kalaallit oqaluttuaasa oqalualaavisalu ilaat peqqarniitsunik ilaqartarpus inuunermut imaannaanngitsorsuarmut ersiutaasunik.

Nalitsinni meeqqat atortut elektronikkit atorlugit suminngaanersunilluunniit oqaluttuanik atuarsinnaagaluartut oqaluttuat meeqqanik pissangatitsisinnaapput. Oqaluttuat ilarpassui tiguardinnartuupput, ilaat imaqarlutik uumasut inuillu imminnut oqaluussinnaanerinik. Oqaluttuat meeqqat kulturiminni pisuussutinik imaannaanngitsunik pissarsiffigisinhaasaat.

Sorliit ilanngutissanerlugit aalajangerniarninni pingaartissimavakka oqaluttuat meeqqanut inuuusuttunullu tunngasunik imaqarlutik ilisarnartut.

Oqaluttuat oqalualaallu allataanatik oqaluttuaannaasarmata ilaataasiakkaat assigiinngissuteqarsinnaasarpus, apeqqutaalluni oqaluttuartup ilasaarisarnera imaluunniit minitaqartarnera – minnerunngitsumillu eqqaamasai. Isumaga malillugu pissanganarneriorlugit ilannguttarpakka. Tamakk Knud Rasmussenip katersugaaneersuupput: *Kalaallit oqaluttuaat oqalualaavilu, atuakkat 1-4. Jørn Rielip toqqartorsimasai (Naqiterisitsisarfik Sesam 1998-2003)*.

Jørn Rielakuersisimavoq Knud Rasmussenip allassimasai najoq-qutaralugit allassimasani atorneqarsinnaasut.

Oqalualaat ilaat ataasiakkaat naqitani allaniittut najoqqutari-neqarput – tamakku nalunaarsuataat atuakkap tunuani takuneqarsinnaapput.

Qutsavigaara Mariane Petersen oqaluttuanik oqaluttuareq-qiisoq oqaatsit ullumikkut atorneqartut atorlugit. Suliarineran ni siunnersuilluartarneranut qutsavigaara.

Gunvor Bjerre





ARFEQ NATTORALILLU NIVIARSIARANNGUANIK NULIARTUT

Ilaannigooq niviarsiarannguit marluk sissami illerusaarput. Sissami ujaqqanik illuusaliorput qissaminaalunnguit nassaatik meesarisuusaarlugit. Taakku ataatassaaruppaat.

Ujaqqanik illuusaliaat taartumik qulangerneqarput. Qummut qiviaramik takuaat timmiarujussuaq kajortoq timmilluni tungiminukartoq. Nattoralissuaq.

– Taanna ataataasinnaavoq. Uanga taanna uitaarissavara, niviarsiaqqap aappaa oqarpoq.

Aappaa aamma uitaarusukkami eqqamini arferup saanikorsuitakugamigit oqarpoq:

– Una uanga uitaarissavara.

Sunaaffa peqqissiminialeramik.

Nattoralissuup allaanngilaq tusaasimagai, aarsaariarluni niviarsiaqqap aappaa kukissuarminik tiguaa tingissullugulu. Qaqqap saliarnartaani pavanersuaq ulluminukaappa.

Niviarsiaqqap aappaa ersinermik qiasorujussuanngorpoq. Imaatsitsiartoq arfersuaq uummarpoq, mattanilluni neqinillunilu.

Niviarsiarannguaq tigoriarlugu avatiminni qeqertannguamukaateriarlugu qangattamut ilivaa.

Nunaqqataasa paasisinnaanngilaat niviarsiarannguit sumut pisimanersut, tassalu taarsilersoq.

Arnaasa sissamukarlutik suaartartuarluarpaat nassaatuallit tassa ujaqqanik illuusaliannguit qissaminaalunnguillu. Annilaanganermik unnuarsuarmut sunat tamaat ujarlerfigigaluarpaat, naamerluinnarli periarfeqanngillat.

Aliasoqalutik innakaapput qaammarsiilerlugulu. Ullut arlallit suna tamaat ujarlerfigigaluarpaat. Nunaqqatigiit tamarmik ujarleqataagaluarput. Ullaat ilaanni niviarsiaqqap appaata arnaata ta-

kulerpaa avatiminni qeqertannguami arfersuaq. Soorlumi aamma panimmi seeqqiniisa assinginik takusaqarluni.

Umiaq angisooq imaanut singinneqarpoq nunaqarfimmi angutit nukittunersaannik sakkulisartunik iputtulik.

Niviarsiarannguaq qiasimangaarami kiisa qulliliorunnaarsimavoq. Qimaaqinammnat arfersuup qangattap silataani anitsaaliorpaa. Niviarsiaraq naalakkerpaa kumaaqqulluni.

Niviarsiarannguaq avammut qiviarami ungasissumi suunersumik takusaqarpoq. Takusaa ilumoorneluni? Soorlumi umiaq angutinik iputtulik, immaqa aallersut?

Umiaq qanillimmat paasivaa takusani ilumoortoq, pinngitsuu-saarporsi arfersuup takoqinammagu.

Qanormi ililluni arfersuaq qimarratigissavaa? Isumassarseriathaarpoq.

- Querusoqigama quiartulerpunga, oqarpoq.
- Qaninnut quisinnaavutit, arfeq oqarpoq.
- Aamma anarusukkama, niviarsiaraq oqarpoq.
- Taleqqunnut anarsinnaavutit, arfeq oqarpoq.

Niviarsiararli taamaaliorumanngilaq. Ilami aamma qanoq taa-maaliorsinnaava.

- Qaami, anariartorniarit tuaviorlutit, arfeq oqarpoq.

Niviarsiaraq annakkuummerpoq; ingerlanialersorli arfersuup paffisigut allunaamik takisuumik qilerpaa, salloqittarluni qimaa-qinammat.

Niviarsiaqqap qangattamit anillakkami allunaaq paffimmini qile-russaariarlugu ujarassuarmut qilerpaa.

- Sumiippit? arfersuaq utaqqikatalluni suaarpoq allunaarlu amulerlugu.

- Aggilerpunga, aggilerpunga, niviarsiaqqap suaarpaa. Pequeriar-luni ujarassuaq isussuuppaar feq suaqqippat nipimi assinganik akeqqullugu. Ujarak akuersaarpoq.

- Qaa, tuaviulaarniarit. Arfeq suaarpoq – ujarassuullu akivaa:
- Aggilerpunga, aggilerpunga.

Taamaalinerani umiaq sissamut tulassimavoq. Niviarsiaraq ar-paannaq atermat angutaata nuannaqaluni paninnguani umiamut ikitipallappaa. Taava avalapput tamaviannguallu ipullutik aallarput kingunertik qaputtuinnangorlugu.

Arfersuup paasilerpaa salloqittartissimalluni. Imaanut avalakka-mi qapussua kisimiuvoq.

Arfersuaq umiamit tuaviinnaq ingerlasumit sukknerugami angulivimmatik niviarsiaqqap angutaata panini suaarpaa:

– Kamitit imaanut igikkit!

Niviarsiaqqap kamini piipallariarlugit imaanut igippai.

Kamii puttasut arfersuup takugamiuk isumaliorpoq niviarsiaraq imaanut nakkarsimasoq, unillunilu. Paasigamiulli salloqittartissi-malluni-aasiit, malillugit aallaqqippoq.

Anguleraatillu niviarsiaqqap angutaa suaqqippoq:


– Qaatiguut imaanut igiguk!

Niviarsiaqqap qaatiguuni piipalla-riarlugu qiiagaluqaaluni imaanut igippaa. Arfersuaq uneqqim-mat umiaq malinneqarani ingerlaqqilaarsinnaanngor-poq.

Kinguninnguali arfersuup umiaq malillugu kiisa tikillu-innarpaar.

Niviarsiaqqap takusinnaavaa arfersuaq kamangaarmat iser-sui aappaluttuinnaasut. Kama-nngaarami umiap ilua imer-suarmik serpalittarpaa.

– Seeqqinitit imaa-nut igikkit, niviarsi-aqqap angutaata pa-nini suaarpaa.



Niviarsiaqqap qiaatigaluni seeqqinini peeriarlugit imaanut igip-pai. Arfersuarlu unittorlu umiaq nunaqarfiup sissaanut pivoq.

Niviarsiaraq, angutaa angutillu iputtut tamarmik arpaannaq illuminnut majuarput. Kinguninngua niperujussuarmik suunersumik tusarput.

Niviarsiaraq ammut qiviarami allat takunngilai arferup saanikorsui immap killinganiittut. Taamani niviarsiaraqatinilu qimargus-saagamik takusamissorluinnaq ittut.

Nunaqqatigiit tamarmik nuannateqaat niviarsiaraq ajorani angerlarmat. Nuannaerneralli killeqarpoq.

Niviarsiaraq aperivoq aappani sumiinnersoq. Akisoqanngimmat apereqqippoq:

- Naak, sumiippa?
- Naluarpuk, akivaat.
- Takuara nattoralissuarmik tiguneqartoq, oqarpoq.

Taamatut oqartorlu angutit tamarmik aniapput qaqqallu innaa nattoralissuup ulloqarfia nalunngisartik isigilerlugu.

Aarillumi qaqqap salliarnartaani takuaat suunersoq toorninngutut ittoq. Imaassinnaavoq niviarsiarannguusoq.

Soriarsinnaanngillalli, qaqqaq portusoorsuaq qutaarluiinnar-suummat majuarfigineqarsinnaanani.

Niviarsiaqqap angajoqqaavi aliasoqaat. Aappannguatalu annaan-neqarnini nuannaarutigigaluarlugu aliasuutigeqaa ikinngutiginerpaasannguani suli annaanneqanngimmat.

Niviarsiaqqap aappani arfermit tigummineqartillugu qaqqap sal-liarnartaaneerusaarsimavoq. Nattoralissuaq ullut tamaasa nerisas-sarsiorluni tingisarpoq, unnuillu tamaasa pisaqarsimalluni utertar-poq savaaqqanik, tuttup piaraanik norrarnik, ukalllinik aalisakkani allanillu nassarluni.

Niviarsiaraq nerereerlunilu nerisami neqit ujalui toqqortarpai. Nattoralik peqanngikkaangat ujallut uiguleriaarlugit perlaasarpai. Taamaalillutik perlaasai talliartortuarput. Ullulli ilaanni nattorallip paasisoorpaa.

– Uiguleriaarlugit perlaasatit sumut atussagakkit, pasitsakkunarluni aperivoq.

– Piniaraangavit-una allunaariarlutit sakkussatit, akivaa.

Nattoralik eqqissiallappoq. Eqqarsarpoq niviarsiaqqap ullumi-niinnini sungiussimagaa. Uffa taamaattoqaqqajanngitsoq.

Allunaaliami takinera naammagileramiuk nattorallip piniarniarluni tinginissaa utaqqilerpaa. Allunaaliani salliarnartap sinaanut qajannaarlugu qilerpaa imminullu ningilerluni. Ilungersunaqimmat kiisa assai annernarsipput. Allunaaliaa naappallaalaarpoq. Tappavani salliarnartamiit naatsorsorsinnaasimangilaa nunamiiq qanoq portutigisumiinnersoq. Naappallaarmat pissittariaqarami pissippoq. Nunamut tukkami arpaannaq angerlarpoq – nunaqarfimminnullu apuulluni nattoralissuaq eqalummik kimmiarluni ul-luminut mittorlu.

Niviarsiaraq peqanngitsoq nattorallip paasigamiuk eqaluk ipe-raannariarlugu nunaqarfiup tungaanut aarsaarpoq. Niviarsiaqqakut illuata qaliata qaanut mikkami siggussuarminik ikuttalerpaa niviarsiaraq aaniarlugu.

Niviarsiaqqap tusaavaa qaliartik putuniarlugu ikuttarpalukkaa. Qatanngutai angutit pisissitik qarsullu tigoriarlugit tunuminnut toqqorlugit aniapput. Nattoralissuaq ilassiorpaat tikilluaqqusuu-saarlugu.

– Najapput nuliarigakku takunerput nuannarissajunnarsivat. Sulutit siaarlugit ilassiorniartigut.


Nattorallip susoqarnera nalugamiuk sulussuani siaarlugit sakini angutit inuusuttut ilassiorpai, ilaqtartaarinikuugamigimmi.

Taamaalisorlu inuusuttut pisissitik tigoriarlugit suluisa ataasigut pisippaat uummateroqqissaarlugu.

Nattoralissuaq toqulluni qalianiit nakkaramiliuna.

Nunaqqatigiit ulluni arlalinni nuannapput.

Niviarsiarannguit imminnut takoqqikkamik takummaallutik nu-annaqaat – tamatuma kingorna illerusaaraangamik inuusatik ataatassarsiunngisaannarpaat – uineqqinnianngilluinnaramingooq.



NIVIARSIARAQ TAMMARTOQ TERIANNIAMILLU INUTTUT ISIKKULIMMIK NAAPITSILLUNI

Ilaannigooq nuliariit paninnguaqarlutik. Paniat nunaqarfimminni allanik niviarsiaraqateqarluarluni nukappiaraannangajannik pinnguaqateqartarpoq.

Ullut ilaanni silami pinnguarlutik nukappiaqqat qaqqamut maju-aqatigai toqqortaqattaarlutik. Toqqorfissaqqissumik nassaarami toqqorpoq, nanineqarnissanilu tessani utaqqillugu soorlumi sumik arlaannik ersigisaqalersoq. Ersigisani suunersoq naluaa, ersiun-naarnerli ajulerami toqqorfimminiit anillariarluni sumut tamaanga sangusaqattaarluni aallarpoq.

Pisulluni pisulluni meeraqatini ungasilliartuinnavippai. Kiisa pavungarujussuaq pivoq, ingerlanerminilu navianartut naammat-tuugaasa soorlumi susinnaanngikkaat. Tamakku tamaasa ajutoora-ni qaangertarpai. Ullut ilaanni tikippaa nunaqarfeerannguaq nunap illuatungaaniittoq, pavani pavanersuaq nunap kangiani nunallit nunaqarfiat.

Takutinnaveersarpoq nalugamiuk qanoq pineqassanerluni, taar-sitsiillugulu toqqorpoq.

Tamarmik sinngutilermata mianersoqqissaarluni toqqorsimaf-fimminit anillappoq nerisassaminillu tillilluni. Sivisuumik taamak inuuvoq, ulluunerani toqqorsimariarluni unnuakkut nerisassam-nik tillitarluni. Sivisoorsuarmik nunap kangianiinnermini allanut takutinneq ajorpoq.

Nunaqarfimmiut tupigigaluaqalugu kiap nerisassanik tilliffigi-sarneraatik, paasinngisaannarpaat.


Tupinnartualu tassaavoq niviarsiarannguaq tessaniinnermini al-liartunngivikkami, allisiitsuujuannaarpaoq.

Ullut ilaanni angajoqqaaminut nunaqarfimminnullu angerlarser-torujussuanngorpoq. Taannaqa angerlamut aallarpoq, aallaramilu pinermisut navianartut naammattuukkani ajutoorutiginggilai.

Apuutingajalerlunilu kaannermik nukillaariartulerpoq, sivisuu-mimmi nerisimannginnami sapililerpoq. Tassanngaannaq takuler-paa inuk, qanilligamiuk takuaa arnaasoq qilerterujussualik.

Arnap takugamiuk oqarpoq:

– Nererusunnguatsiarputit. Ikunga qangattan-nuguamut



ingiaqatigigumma taakani
ammassappassuaateqarpunga.


Ammassaat mamarilluagarigamigit nuannaatsaqaq.
Ilami kaannermik sapingajalerami.

Arnaq qangattannguamut ingiaqatigaa, aarillumi qinnguaniippuit ammassappassuit. Qangattamut pulapput. Ammassaalli qilertat ti-gulerlugillu paasivaat allunaasamik qilersimasut; nusukkaallu uja-rarujussuaq nakkarpoq qangattap ammanera milillugu. Taarsuaq kisimiuvooq. Sunaaffa teriannianut pullat pulaffigisimallugu, arnar-lu teriannianngorluni.

Niviarsiaqqap terianniaq ammassannik arsaariarlugu qimillugu toquppaa. Pullammik takuniaasoqarnissaa utaqqilerpaa. Utaqqi-nermini ammassaat terianniallu neqaa inuussutigai. Sivitsungaatiartoq angutip nipaa tusaalerpaa oqarpallattoq:

– Kiisami terianniamik pulasoqarsimavoq.

Ammanimininnguatigut ilummuit angut alakkarami takuaa inuk taqqamani issiasoq.



Annilaarnermik qimaalluni aallarpoq. Kinguninnguali uterluni alakkaqqippaa. Niviarsiaraq aalariassanani sumillu nipaqarani issiassoq takugamiuk ersilerpoq anersaamik pullatinut pulasoqarsimasoralugu.

Nunaqarfimminnukapallariarluni ikiortissaminik aallerpoq, ilami takusani anersaajoqinammat. Qanillerpallammata ilaat oqarpallattoq niviarsiaqqap tusarpaa:

- Ukiorpassuit matuma siornagut maani pinnguarpugut toqqortaqattaalluta, taamani ilarput niviarsiaraq tammavilluni tammarpoq. Anersaana taannaanngila?
- Taamaalluarsinnaavoq, alla oqarpallapoq. – Takusariartigu.

Pullatit tikikkamikkit isaariaaniittooq ujarak peermassuk niviarsiarannguaq anillappoq.

Tamarmik tupigutsaqaat ajunngitsoq siumoramikku. Tamarmik ilisaraat allisimanngivikkaluartoq. Angutit tassaapput taamani pinnguaqtigisartagai. Inersimasorsuanngorsimapput, taamaattumik paasisinnaavaa sivisoorsuarmik tammarsimasimalluni.

Misigisaminik tamanik oqaluttuuppai, angutillu oqaluttuuppaat peqannginnerani pisimasunik.

Oqaluttuuppaat arnaa toqusimasoq angutaali suli ajunngitsoq. Taava nunaqarfimminnut uteqatigai. Niviarsiaqqap angunni ornikkaluarpaa, sunaaffa piniariarsimalluni peqanngitsoq.

Unnulorsorlu puisimik kalilluni tikilermat timaaniit suaartapaat:

- Paniit uterami!
- Utoqqaq paarunnaarluni oqarpoq:
 - Qanoq aamma salloqittassavisinga quiassuaatigalunga.
 - Illumiit aniiit, angutit suaarmanni niviarsiaraq angummi illua- niit anivoq.